

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Zgjedhjet në Bosnje nën vëzhgimin e figurave të afërta me Kremlinin
ADRESA	https://dosja.al/bota/zgjedhjet-ne-bosnje-nen-vezhgimin-e-figurave-te-aferta-me-kremlini-n-i516202
BURIMI	dosja.al
GJENDJA	online

KOHA


KAPUR NGA NE	26 shtator 2026, 15:45:54 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	26 shtator 2026, 15:42:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	b8be7a20284ba71cd91a2df40582dcadd7fb12c2e435e3d6b0c146f7d3fbc788
TEKSTI	647a4f349abd9638e0b7e0e641bb2d7c8a91a94d5349a8c53ccf433edd425aa8
PAMJA	66c08c135711cdad382b2ac61a255a0b30de5ae01f505ee8d38afaeef3081ff92

ZINXHIRI I PROVËS

KJO HYRJE	0d6c40ab6ffefdb379df32ae35277211e7822a5753d944c38da9133ce6d3fd82
E MËPARSHMJA	—
RRËNJA MERKLE	0334a22cab892da6eda5613cc640e69aa8a23a21585bae5896651df887e79535
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/0d6c40ab6ffefdb379df32ae35277211e7822a5753d944c38da9133ce6d3fd82>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



LIVE UPDATES

2 ORE ME PARE

Ceremonia e prezantimit të Wendt si ambasador i SHBA në Shqipëri, Berisha: Nuk kam dijeni, në mbledhjen e Këshillit të Sigurisë Kombëtare nuk jam ftuar

3 ORE ME PARE

Shpërthimi i fuqishëm në lagjen Plaka në Greqi/ Humbin jetën 6 persona, mes tyre dhe 3 shqiptarë të pajetë në rrënoja (EMRAT+PAMJET)

5 ORE ME PARE

Zyrtarisht në detyrë/ Eric Wendt dorëzon letrat kredenciale, nis misionin si ambasador i SHBA-së në Shqipëri

5 ORE ME PARE

SPAK aksion në Shkodër e Tiranë/ Goditet grupi kriminal i trafikut të drogës! Urdhërarrest për Indrit Doklen, në pranga Bledar Çafi (VIDEO)

Bota

Zgjedhjet në Bosnje nën vëzhgimin e figurave të afërta me Kremlinin

Bëhet fjalë për Elena Afanasevën, senatore nga rajoni i Orenburgut, e cila është sanksionuar nga Bashkimi Evropian, Shtetet e Bashkuara dhe Britania e Madhe, pasi mbështeti njohjen nga Rusia të territoreve separatiste në Ukrainë.



26 Shtator 2026, 17:42
Nga G.M



Postera parazgjedhore në Banjallukë të Bosnje dhe Hercegovinës. Shtator 2026.

Një senatore nën sanksionet e Perëndimit dhe një ish-oficer i shërbimit të inteligjencës ushtarake, GRU, do të jenë në mesin e vëzhguesve rusë në zgjedhjet e përgjithshme në Bosnje dhe Hercegovinë, të caktuara për 4 tetor, mëson Radio Evropa e Lirë.

Bëhet fjalë për Elena Afanasevën, senatore nga rajoni i Orenburgut, e cila është sanksionuar nga Bashkimi Evropian, Shtetet e Bashkuara dhe Britania e Madhe, pasi mbështeti njohjen nga Rusia të territoreve separatiste në Ukrainë.

Për zgjedhjet në Bosnje dhe Hercegovinë do të udhëtojë edhe Aleksej Kondratjev, i cili, sipas një hulumtimi të mëhershëm të Radios Evropa e Lirë, lidhet edhe me Redutin - një organizatë private ushtarake ruse, që përfshin së paku 20 formacione të ndryshme të armatosura dhe që është e lidhur ngushtë me GRU-në.

Të dy janë në mesin e pesë personave të propozuar për vëzhgimin e zgjedhjeve nga Këshilli i Federatës Ruse - Dhoma e Lartë e Parlamentit rus - i kryesuar nga Valentina Matvienko. Ajo ndodhet, po ashtu, nën sanksione amerikane dhe evropiane që nga viti 2014, për shkak të mbështetjes së politikës ruse ndaj Ukrainës.

Presidenti rus, Vladimir Putin, dekoron kryetaren e Këshillit të Federatës, Valentina Matvienko, më 2019. Komisioni Qendror i Zgjedhjeve i Bosnje dhe Hercegovinës miratoi gjithsej 20 vëzhgues rusë për zgjedhjet e caktuara për tetor, prej të cilëve 15 janë akredituar me kërkesë të Ambasadës së Rusisë në Bosnje dhe Hercegovinë.

Pesë vëzhgues të tjerë janë propozuar nga Këshilli i Federatës Ruse. Përveç Afanasevës dhe Kondratjevit, në mesin e tyre janë edhe Vasilij Popov, Ana Kocherova dhe Vladimir Morozov.

editoriale

Auron Janku

"Washingtonët" tanë

Eriseld Zeneli

Shqipëria, socializmi i Edi
Ramës pa të majtën

Në vëmendje

AKTUALITET 26 SHTATOR 2026, 14:13

Atentati në Athinë/ Në shënjestër 30-vjeçari Denis Luli! Dyshimet se urdhri u dha nga Klodian Lekocaj, i njohur si kreu i mafies së burgjeve

AKTUALITET 26 SHTATOR 2026, 11:36

Në kërkim nga SPAK/ Si i shpëtoi policisë ish-anëtari i bandës së Durrësit Indrit Dokle! Planet e Ervis Martinajt për ta eliminuar dhe armiku i Lul Berishës

Pjesëmarrja e përfaqësuesve të aparatit politik dhe të sigurisë së Rusisë në vëzhgimin e zgjedhjeve në Bosnje dhe Hercegovinë vjen në një kohë kur institucionet amerikane dhe evropiane paralajmërojnë për aktivitete të Rusisë në Ballkanin Perëndimor.

Për ndikimin rus në rajon u diskutua së voni edhe gjatë një seance dëgjimore në Kongresin amerikan, ndërsa OSBE-ja paralajmëroi se gjatë vëzhgimit të zgjedhjeve në Bosnje dhe Hercegovinë do t'i kushtojë vëmendje edhe ndërhyrjes së mundshme të huaj dhe dezinformimit.

Ish-anëtari i KQZ-së dhe anëtari i organizatës "Pod lupom", e cila monitoron zgjedhjet në Bosnje dhe Hercegovinë, Vehid Shehiq, thotë se kërkesa e Rusisë për dërgimin e vëzhguesve në zgjedhje, është pjesë e procedurave të zakonshme, por se përbërja e delegacionit rus të këtij viti është e pazakontë.

"Natyrisht, nuk mund të pohojmë asgjë pa asnjë rezervë, por fakt është se përzgjedhja është e pazakontë", thotë Shehiq për Radion Evropa e Lirë.

Senatorja nën sanksione

Elena Vladimirovna Afanaseva ndodhet nën sanksionet e Bashkimit Evropian që nga marsi i vitit 2022. Ajo u sanksionua pasi, si anëtare e Këshillit të Federatës, votoi për ratifikimin e marrëveshjeve të Rusisë me të vetëshpallurat Republikë Popullore e Donjeckut dhe Republikë Popullore e Luhanskut.

Sipas arsytimit të BE-së, bëhej fjalë për vendime që cenonin integritetin territorial, sovranitetin dhe pavarësinë e Ukrainës. Për të njëjtën arsye, ndaj saj u vendosën sanksione edhe në Britaninë e Madhe, ndërsa në shtator të vitit 2022, Departamenti amerikan i Thesarit e përfshiu në listën e personave të sanksionuar.

Viteve të fundit, Afanaseva ishte e përfshirë edhe në kontaktet e Rusisë me zyrtarë të Serbisë dhe të entitetit të Bosnje dhe Hercegovinës, Republika Srpska. Disa muaj para zgjedhjeve në Bosnje dhe Hercegovinë, ajo mori pjesë edhe në një tryezë të rrumbullakët në Moskë me deputetë të Kuvendit Popullor të Republikës Srpska, nga partitë në pushtet dhe opozitë.

Sipas raportimeve ruse për takimin, u diskutua për luftën e shkuar në Bosnje dhe Hercegovinë, "krimet kundër serbëve", si dhe për rezultatet dhe pasojat e Marrëveshjes së Dejtonit. Takimi në Moskë është një nga shembujt që dëshmojnë për marrëdhëniet e afërta politike të zyrtarëve të entitetit të Republikës Srpska me Moskën, të cilat kanë vazhduar edhe gjatë pushtimit rus të Ukrainës.

Megjithëse Bosnje dhe Hercegovina formalisht i është bashkuar shumicës së sanksioneve që BE-ja ka vendosur ndaj Rusisë, ato nuk janë zbatuar asnjëherë, për shkak të kundërshtimit të politikanëve nga Republika Srpska në institucionet shtetërore.

Ish-pjesëtari i GRU-së i lidhur me Redutin

Në mesin e vëzhguesve të zgjedhjeve në tetor pritet të jetë edhe Aleksej Kondratjev, senator rus që aktualisht përfaqëson rajonin e Tambovit dhe është anëtar i Komitetit për Çështje Ndërkombëtare të Këshillit të Federatës.

Sipas biografisë së tij të publikuar, Kondratjev ka shërbyer nga viti 1998 deri më 2010 në njësitë e forcave speciale të GRU-së - shërbimit rus të inteligjencës ushtarake. Ai ka qenë zëvendëskomandant i Brigadës së 16-të të Veçantë të Forcave Speciale të GRU-së dhe ka arritur gradën e kolonelit.

Ka marrë pjesë në luftërat në Çeçeni dhe në operacionin paqeruajtës rus në Kosovë. Sipas një hulumtimi të Shërbimit rus dhe atij ukrainas të Radios Evropa e Lirë, pasi Rusia ka nisur pushtimin e Ukrainës në shkurt të vitit 2022, Kondratjev i është rikthyer karrierës ushtarake dhe ka marrë komandën e brigadës vullnetare kozake Don.

Në vitin 2023, kjo brigadë është bërë pjesë e të ashtuquajturit Korpus Vullnetar i Ministrisë ruse të Mbrojtjes, së bashku me formacione të tjera që më herët kanë vepruar përmes rrjetit Redut. Një hulumtim i Radios Evropa e Lirë, i publikuar në tetor të vitit 2023, konstatoi se GRU-ja kishte rol kyç në krijimin dhe funksionimin e Redutit - një rrjet që përfshin së paku 20 formacione të ndryshme të armatosura dhe shërben për rekrutimin e njerëzve për luftën në Ukrainë.

Sipas këtij hulumtimi, në mesin e personave që drejtonin sistemin Redut, ishte edhe Kondratjev, së bashku me zëvendëshefin e GRU-së, Vladimir Aleksejev, dhe kolonelin e Shtabit të Përgjithshëm, Sergej Drozdov. Në shkurt të vitit 2023, Kondratjev mori pjesë edhe në kongresin e Unionit të Vullnetarëve të Donbasit në Mariupolin e pushtuar, në Ukrainë, ku u paralajmërua formimi i Korpusit Vullnetar.

Në fotografitë nga kjo ngjarje, hulumtuesit e identifikuan atë së bashku me Vladimir Aleksejevin, zëvendëshefin e GRU-së.

Kush janë vëzhguesit tjerë nga Rusia?

AKTUALITET 26 SHTATOR 2023, 11:14

U arrestua nga SPAK gjatë operacionit "Muri i Lartë"/ Kush është Bledar Çafi, "i forti" i Shkodrës ndër vite i përfshirë në botën e krimit

më të klikuarat

Në kërkim nga SPAK/ Si i shpëtoi policisë ish-anëtari i bandës së Durrësit Indrit Dokle! Planet e Ervis Martinajt për ta eliminuar dhe armiku i Lul Berishës

Aksioni i SPAK kundër grupit Rraja/ Shkon në 17 numri i të dyshuarve, Indrit Dokle i akuzuar për trafik ndërkombëtar droge



SPAK operacion në Shkodër e Tiranë/ Goditet një grup kriminal i trafikut të drogës! Urdhërarrest për Indrit Doklen, në pranga Bledar Çafi (VIDEO)

Të shtëna me armë zjarri në një lokal në Athinë/ Plagoset 10-vjeçarja shqiptare, gjendet i djegur mjeti i autorëve (FOTOT)

insights

Bledian Koka

Pse Rama i denoncoi shqiptarët si antisemitë në OKB

Besmir Semanaj

Kur të bie Diella në kokë

Rezarta Gagani

Përballë pallatit tim po ndërtohet një pallat

Auron Janku

Kur PARTITË harrojnë pse ekzistojnë

Moti

Powered by tomorrow

Përveç Afanasevës dhe Kondratjevit, në mesin e kandidatëve të propozuar nga Këshilli i Federatës është edhe senatorja nga rajoni i Belgorodit, Anna Kocherova. Para se të bëhej pjesë e Këshillit të Federatës, ajo drejtonte degën rajonale të fondit shtetëror "Mbrojtësit e Atdheut", i cili ndihmon ushtarët rusë dhe familjet e tyre.

Ajo hyri në Këshillin e Federatës vitin e kaluar, pasi u zgjodh në Dumën rajonale të Belgorodit nga lista e Rusisë së Bashkuar - partisë së presidentit rus, Vladimir Putin.

Sa u përket Vasilij Popovit dhe Vladimir Morozovit, të cilët po ashtu janë në listën e Këshillit të Federatës Ruse dhe janë miratuar nga KQZ-ja e Bosnje dhe Hercegovinës për vëzhgimin e zgjedhjeve, Radio Evropa e Lirë nuk arriti të përcaktonte se çfarë funksionesh mbajnë.

Mbi 700 vëzhgues në zgjedhjet në Bosnje dhe Hercegovinë

Zgjedhjet në Bosnje dhe Hercegovinë pritet të monitorohen nga rreth 730 vëzhgues, të cilëve Komisioni Qendror i Zgjedhjeve ua miraton akreditimet. Në mesin e tyre janë edhe vëzhgues të OSBE/ODIHR-it dhe të Asamblesë Parlamentare të OSBE-së.

I pyetur për vëzhguesit rusë dhe misionet vëzhguese me lidhje politike, një përfaqësues i Asamblesë Parlamentare të OSBE-së nuk dëshoi të komentonte raste të veçanta. Ai tha për Radion Evropa e Lirë se secili mision ka karakteristikat e veta dhe se Asambleja Parlamentare e OSBE-së nuk ka një qëndrim të vetëm për të gjitha nismat e tilla.

Megjithatë, ai theksoi se OSBE-ja zbaton të njëjtën metodologji në të gjitha vendet, bazuar në standardet e dakorduara nga shtetet anëtare të organizatës, dhe se qëndrueshmëria, transparencja dhe paanshmëria janë elemente kyç të një vëzhgimi të besueshëm ndërkombëtar të zgjedhjeve.

"Është e rëndësishme që metodologjia e përdorur nga misionet vëzhguese të analizohet në mënyrë të pavarur dhe të kujdesshme dhe, mbi këtë bazë, të vlerësohet legjitimiteti i tyre", tha ai.

Radio Evropa e Lirë dërgoi pyetje për rolin e vëzhguesve rusë në Bosnje dhe Hercegovinë edhe te Bashkimi Evropian dhe Departamenti amerikan i Shtetit, por, deri në publikimin e këtij artikulli, nuk mori përgjigje.

OSBE-ja nuk është ftuar për t'i vëzhguar zgjedhjet parlamentare të këtij viti në Rusi. Organizata e ka cilësuar këtë si pjesë të një modeli më të gjerë të shpërfilljes së transparencës, llogaridhënies demokratike dhe sundimit të ligjit.

Vëzhgues nga Bosnje dhe Hercegovina dhe Serbia në zgjedhjet ruse

Ndërsa vëzhguesit rusë do t'i monitorojnë zgjedhjet e përgjithshme në Bosnje dhe Hercegovinë, në zgjedhjet e këtij viti për Dumën Shtetërore të Federatës Ruse morën pjesë një numër i madh vëzhguesish ndërkombëtarë, mes tyre edhe përfaqësues nga Bosnje dhe Hercegovina dhe Serbia.

Një medium rus nga rajoni i Tomskut raportoi se tetë ekspertë të huaj nga Bosnje dhe Hercegovina, Kamboxhia, Kenia, Serbia dhe Uzbekistani monitoruan zgjedhjet për Dumën Shtetërore dhe për parlamentin rajonal të Tomskut.

Një nga vëzhguesit nga Bosnje dhe Hercegovina ishte Danijell Simiq, gazetar i Radio-Televizionit të Republikës Serpska. Pas përfundimit të votimit në rajonin e Tomskut, Simiq publikoi një koment në rrjetin social X, në të cilin i përshkroi pozitivisht zgjedhjet ruse, ndërsa Rusinë e quajti "fener të arsyes".

Milan Damnjanoviq, anëtar i Partisë Fshatare Serbe, ishte vëzhgues ndërkombëtar në zgjedhjet ruse në shtator të vitit 2026 dhe, sipas një videoje që e siguroi Radio Evropa e Lirë, ai i monitoroi zgjedhjet në territoret e pushtuara të Ukrainës.

Damnjanoviq aty prezantohet si vëzhgues ndërkombëtar në Mariupol dhe thotë se do të monitorojë nëse zgjedhjet zhvillohen në rregull.

Vehid Shehiq, përfaqësues i organizatës "Pod lupom", e cila monitoron zgjedhjet në Bosnje dhe Hercegovinë, thotë për Radion Evropa e Lirë se nuk e befason shkuarja e vëzhguesve nga Serbia dhe Bosnje dhe Hercegovina në territoret e pushtuara të Ukrainës.

"Nëse vullnetarët kanë shkuar në luftë, dhe kemi raporte se kanë shkuar dhe kanë qenë nën komandën e ushtrisë ruse, atëherë mund të shkojnë edhe vëzhguesit. Fatkeqësisht, po jetojmë në një 'normalitet të ri', thotë ai.

Sipas të dhënave të siguruar nga Radio Evropa e Lirë, këtë vit në mesin e pjesëmarrësve serbë në misionin rus të vëzhgimit ishte edhe Aleksandar Vulin, ish-shef i Agjencisë së Sigurisë dhe Informacionit të Serbisë (BIA), i cili ndodhet nën sanksionet e SHBA-së, pikërisht për shkak të lidhjeve me Moskën.

Në mesin e vëzhguesve serbë të zgjedhjeve ruse ishin përfaqësues të Partisë Përparimtare Serbe të presidentit Aleksandar Vuçiq, Lëvizjes së Socialistëve të Aleksandar Vulinit, Partisë Popullore Serbe, lëvizjes "Ne - Zëri i Popullit" dhe shoqatës "Fronti Serbo-Rus".

Përveç tyre, disa ditë pas zgjedhjeve parlamentare ruse, nënkryetari i Komisionit Republikan të Zgjedhjeve të Serbisë, Marko Janković, të cilin agjencia ruse TASS e prezantoi edhe si vëzhgues ndërkombëtar të zgjedhjeve, mori pjesë në Moskë në një forum të organizuar nga organizata ruse ANO Dialog Regions.

Kjo organizatë është sanksionuar nga Shtetet e Bashkuara për shkak të lidhjeve me operacionet ruse të ndikimit dhe dezinformimit, ndërsa BE-ja e sanksionoi në vitin 2026 drejtorin e saj, Vladimir Tabak. Serbia pritet të mbajë zgjedhje të parakohshme parlamentare në fund të tetorit, ndërsa informacionet për misionet ndërkombëtare të vëzhgimit nuk janë publikuar ende.

Në ciklet e mëparshme zgjedhore, në mesin e vëzhguesve kishte edhe zyrtarë rusë, të cilët e vlerësuan pozitivisht procesin e votimit, ndërsa misionet ndërkombëtare të udhëhequra nga OSBE/ODIHR-i, në raportet e tyre, evidentuan probleme gjatë procesit zgjedhor./REL

elena afanaseva

Sondazh

Poll

Bota

26 Shtator 2026, 17:40

Trump refuzon planin e Iranit për rihapjen e Hormuzit

Presidenti amerikan, Donald Trump, duke folur për gazetarët më 26 shtator 2026. Presidenti amerikan, Donald Trump, tha më 26 shtator se...

"Rikthimi lidhet me shumë arsye"/ Princi Harry kthehet në Britani: Fëmijët janë të lumtur në shkollë

Bota

26 Shtator 2026, 17:30

Shpërthen tubacioni kryesor i ujit në New Jersey, uji del nga toka si gejzer dhe bllokon rrugët

Bota

**Konflikti Rusi-Ukrainë/ Raportohen 11
viktima nga sulmet ajrore, goditen
Zaporizhia dhe Kievi (VIDEO)**

Bota

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.